



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

15.04.2020թ.

Ո Ր Ո Շ ՈՒ Մ  
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁԻ  
թիվ ԱՑ-ԼՕ-2020/80

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի  
Քարտուղարությամբ՝ Լ. Անանիկյանի

Պատվիրատու՝ Երևանի քաղաքապետարան  
Մասնակից՝ «Ֆորտիս Ֆաբեր» ՍՊԸ

Գնման ընթացակարգի ծածկագիրը և առարկան՝  
«ԵԲ-ԲՄԱՇՁԲ-20/18» ծածկագրով բաց մրցույթ, Երևան քաղաքի թվով 2  
մշակութային կազմակերպություններում վերանորոգման աշխատանքների ձեռքբերում:

ՀՀ գնումների հետ կապված բողոքներ քննող անձը (այսուհետ՝ նաև Բողոքներ  
քննող անձ)՝ ուսումնասիրելով Հայաստանի Հանրապետության ֆինանսների  
նախարարության կողմից 16.03.2020թ.-ի թիվ 26/26-1/4049-2020 գրությամբ «Ֆորտիս  
Ֆաբեր» ՍՊԸ-ին (այսուհետ նաև՝ Մասնակից) գնումների գործընթացին մասնակցելու  
իրավունք չունեցող մասնակիցների ցուցակում ներառելու նպատակով նախաձեռնված  
ընթացակարգով ներկայացված հիմքերը,

Պ Ա Ր Զ Ե Ց

1. Գործի նախապատմությունը

ՀՀ ֆինանսների նախարարությունը, Երևանի քաղաքապետարանի (այսուհետ նաև՝ Պատվիրատու) 11.03.2020թ.-ի թիվ 01/61-5012 գրության հիման վրա, 16.03.2020թ.-ին «Ֆորտիս Ֆաբեր» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքեր:

Բողոքներ քննող անձի գործը մակագրվել է 16.03.2020թ.-ին:

17.03.2020թ.-ին կայացված որոշմամբ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ընդունվել է վարույթ, տրվել թիվ ԱՅ-ԼՕ-2020/80 համարի ծածկագիրը և նույն օրը հրապարակվել է [www.gnumner.am](http://www.gnumner.am) կայքում:

25.03.2020թ.-ին, 13.04.2020թ.-ին և 15.04.2020թ.-ին նշանակվել են նիստեր:

Ընթացակարգի քննությունն ավարտվել է 13.04.2020թ.-ին և Բողոքներ քննող անձի որոշման հրապարակման օր է նշանակվել 15.04.2020թ.-ին:

## **2. Երևանի քաղաքապետարան-ի ներկայացրած փաստերը և դիրքորոշումը.**

Երևանի քաղաքապետարանը 11.03.2020թ.-ի թիվ 01/61-5012 գրությամբ դիմելով ՀՀ ֆինանսների նախարարությանը՝ հայտնել է հետևյալը.

*«Գնումների մասին ՀՀ օրենսդրությամբ սահմանված կարգով Երևանի քաղաքապետարանի կողմից 17.12.2019 թվականին հայտարարվել է «ԵԲ-ԲՄԱՇՁԲ-20/18» ծածկագրով՝ Երևան քաղաքի թվով 2 մշակութային կազմակերպություններում վերանորոգման աշխատանքների գնման ընթացակարգ, որը բաղկացած է երկու չափաբաժիններից:*

*Ընթացակարգի գնահատող հանձնաժողովի որոշմամբ 1-ին չափաբաժնի մասով ընտրված մասնակից էր ճանաչվել «Ֆորտիս Ֆաբեր» ՍՊԸ-ն:*

*Օրենքով սահմանված կարգով անգործության ժամկետի ավարտից հետո, 24.02.2020 թվականին, Մասնակցին ներկայացվել է պայմանագիր կնքելու առաջարկ: Մասնակցի կողմից սահմանված ժամկետում չի ներկայացվել «ԵԲ-ԲՄԱՇՁԲ-20/18-1» ծածկագրով՝ Երևան քաղաքի «Պատանի հանդիսատեսի թատրոն» ՊՈԱԿ-ի լուսամուտների փոխարինման աշխատանքների ձեռքբերման պայմանագիրը, որակավորման և*

պայմանագրի ապահովումները: Համաձայն «Գնումների մասին» օրենքի 36-րդ հոդվածի 3-րդ մասի՝ Մասնակիցը զրկվել է պայմանագրի կնքելու իրավունքից:

Վերոգրյալ իրավական հիմքերով պայմանավորված՝ ղեկավարվելով «Գնումների մասին» օրենքի 6-րդ հոդվածի 1-ին մասի 6-րդ կետի բ ենթակետով, առաջարկում եմ Մասնակցի նկատմամբ կիրառել Օրենքի 50-րդ հոդվածի 7-րդ մասի 2-րդ կետով սահմանված դրույթը:»:

Ելնելով վերոգրյալից և հիմք ընդունելով ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 45-րդ կետի պահանջները, կից ներկայացվել է «ԵԲ-ԲՄԱՇՁԲ-20/18» ծածկագրով հայտարարված գնման ընթացակարգի շրջանակներում «Ֆորտիս Ֆաբեր» ՍՊԸ-ի տվյալները՝ համապատասխան հիմքերով:

### **3. «Ֆորտիս Ֆաբեր» ՍՊԸ-ի ներկայացրած փաստարկները և դիրքորոշումը.**

Բողոքներ քննող անձը 16.03.2020թ.-ին գրությամբ դիմել է «Ֆորտիս Ֆաբեր» ՍՊԸ-ին՝ հնարավորություն տալով ՀՀ ֆինանսների նախարարության կողմից 16.03.2020թ.-ի թիվ 26/26-1/4049-2020 գրությամբ նախաձեռնված ընթացակարգի վերաբերյալ ներկայացնել գրավոր կարծիք:

Մասնակիցը ստանալով կարծիք հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, չի ներկայացրել գրավոր դիրքորոշում՝ չներկայանալով նաև հրավիրված նիստին:

### **4. ՍՑ-ԼՕ-2020/80 ընթացակարգի քննության համար էական նշանակություն ունեցող փաստերը.**

Սույն գործի քննության համար էական նշանակություն ունեցող փաստերի համաձայն՝

Երևանի քաղաքապետարանի (այսուհետ նաև՝ Պատվիրատու) կողմից Երևան քաղաքի թվով 2 մշակութային կազմակերպություններում վերանորոգման աշխատանքների ձեռքբերման նպատակով 17.12.2019թ.-ին հայտարարվել է «ԵԲ-ԲՄԱՇՁԲ-20/18» ծածկագրով բաց մրցույթ (այսուհետ նաև՝ Ընթացակարգ), որին մասնակցելու նպատակով հայտ է ներկայացրել նաև «Ֆորտիս Ֆաբեր» ՍՊԸ-ն:

Ընթացակարգի գնահատող հանձնաժողովի (այսուհետ նաև՝ Հանձնաժողով) 11.02.2020թ.-ի նիստի թիվ 4 արձանագրության համաձայն՝ «Ֆորտիս Ֆաբեր» ՍՊԸ-ն գնման ընթացակարգի 1-ին չափաբաժնի մասով ճանաչվել է ընտրված /հաղթող/ մասնակից:

Նույն արձանագրության համաձայն՝ հիմք ընդունելով «Գնումների մասին» ՀՀ օրենքի 36-րդ հոդվածի 1-ին և 2-րդ կետերը՝ Հանձնաժողովը որոշել է Երևան քաղաքի «Պատանի հանդիսատեսի թատրոն» ՊՈԱԿ-ի լուսամուտների փոխարինման աշխատանքների պայմանագիր կնքելու առաջարկ ներկայացնել «Ֆորտիս Ֆաբեր» ՍՊԸ-ին:

12.02.2020թ.-ին պայմանագիր կնքելու նպատակով գնումների պաշտոնական տեղեկագրում՝ [www.gnumner.am](http://www.gnumner.am) կայքում Հանձնաժողովի կողմից հրապարակվել է պայմանագիր կնքելու որոշման մասին հայտարարություն և սահմանվել է անգործության ժամկետ՝ հայտարարությունը հրապարակվելու օրվան հաջորդող օրվանից մինչև 10-րդ օրացուցային օրը ներառյալ:

Պատվիրատուն 24.02.2020թ.-ին Մասնակցին ներկայացնելով «ԵԲ-ԲՄԱՇՁԲ-20/18» ծածկագրով պայմանագրի նախագիծը՝ հայտնել է, որ «ԵԲ-ԲՄԱՇՁԲ-20/18» ծածկագրով բաց մրցույթի շրջանակներում պայմանագիր կնքելու նպատակով «Ֆորտիս Ֆաբեր» ՍՊԸ-ի կողմից պետք է ներկայացվի պայմանագրի կատարման ապահովում պայմանագրի գնի տաս տոկոսի չափով: Պայմանագրի կատարման ապահովում ներկայացնելու դեպքում (գործողության ժամկետը 20.07.2021թ.): Պայմանագրի ապահովումը ներկայացվում է բանկային երաշխիքի կամ կանխիկ փողի ձևով: Կանխիկ փողի ձևով ներկայացված պայմանագրի ապահովումը պետք է փոխանցվի Կենտրոնական գանձապետարանում Երևանի քաղաքապետարանի անվամբ բացված 9000152114291 գանձապետական հաշվին, ինչպես նաև որակավորման ապահովում բանկայի երաշխիքի ձևով՝ պայմանագրի գնի հարյուր տոկոսի չափով (գործողության ժամկետը 20.06.2020թ.):

Նույն ծանուցմամբ Մասնակցին խնդրել են, որ սույն ծանուցումը և պայմանագրի նախագիծը ստանալու օրվանից տասն աշխատանքային օրվա ընթացքում պատվիրատուին ուղղված գրությամբ Երևանի քաղաքապետարան ներկայացնել «Ֆորտիս Ֆաբեր» ՍՊԸ-ի կողմից կնքված պայմանագրի երկուական օրինակները և վերը նշված ապահովումները, ինչպես նաև [armeps.am](http://armeps.am) տիրույթում ընդունել պայմանագրի շնորհումը: Նշված ժամկետում չներկայացնելու դեպքում մասնակիցը կզրկվի պայմանագիր ստորագրելու իրավունքից:

Միաժամանակ Մասնակցին տեղեկացրել են, որ աշխատանքների կատարման հանձնման-ընդունման գործընթացը այսուհետ իրականացվում է էլեկտրոնային եղանակով /պայմանագրի 4-րդ բաժին/:

06.03.2020թ.-ին armeps.am համակարգի միջոցով «ԵԲ-ԲՄԱՇՁԲ-20/18» ծածկագրով Երևան քաղաքի թվով 2 մշակութային կազմակերպություններում վերանորոգման աշխատանքների մրցույթի համար շնորհված պայմանագիրը «Ֆորտիս Ֆաբեր» ՍՊԸ-ի կողմից մերժվել է:

Հանձնաժողովի 09.03.2020թ.-ի նիստի թիվ 5 արձանագրության համաձայն՝ 24.02.2020 թվականին «Ֆորտիս Ֆաբեր» ՍՊԸ-ին ներկայացվել էր «ԵԲ-ԲՄԱՇՁԲ-20/18» գնման ընթացակարգի՝ Երևան քաղաքի «Պատանի հանդիսատեսի թատրոն» ՊՈԱԿ-ի լուսամուտների փոխարինման աշխատանքների պայմանագիր կնքելու առաջարկ: Մասնակիցը պարտավոր էր պայմանագիր կնքելու մասին ծանուցումը և պայմանագրի նախագիծն ստանալուց հետո տաս աշխատանքային օրվա ընթացքում /մինչև 06.03.2020 թվականը/ ստորագրել պայմանագիրը և պատվիրատուին ներկայացնել որակավորման ու պայմանագրի ապահովումները: Նշված փաստաթղթերը չներկայացնելու պարագայում մասնակիցը զրկվում է պայմանագիրն ստորագրելու իրավունքից: Տվյալ պարագայում «Ֆորտիս Ֆաբեր» ՍՊԸ-ի կողմից պայմանագրի շնորհումը մերժվել է:

Հիմք ընդունելով «Գնումների մասին» օրենքի 36-րդ հոդվածի 3-րդ մասը՝ Հանձնաժողովը որոշել է մասնակցին զրկել պայմանագիր կնքելու իրավունքից:

## **5. Բողոքներ քննող անձի հիմնավորումները և եզրահանգումը.**

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացության, որ ՀՀ ֆինանսների նախարարության կողմից 16.03.2020թ.-ի թիվ 26/26-1/4049-2020 գրությամբ «Ֆորտիս Ֆաբեր» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգն ենթակա է բավարարման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 6-րդ կետի «բ» ենթակետի համաձայն՝ ... մասնակիցն ընդգրկվում է գնումների գործընթացին

մասնակցելու իրավունք չունեցող մասնակիցների ցուցակում, եթե որպես ընտրված մասնակից հրաժարվել է պայմանագիր կնքելուց:

Նույն հոդվածի 2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում: Տվյալ մասնակցի կարծիքը լսելուց հետո գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 35-րդ հոդվածի 1-ին մասի համաձայն՝ պայմանագրի ապահովում ներկայացնելու պահանջի հիման վրա այն ստանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի ապահովում:

Օրենքի 36-րդ հոդվածի 3-րդ մասի համաձայն՝ եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից:

«Կառավարության 04.05.2017թ. թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 12-րդ ներթափանցիկ համաձայն՝ ընտրված մասնակցին պայմանագիր կնքելու առաջարկը և կնքվելիք պայմանագրի նախագիծը հանձնաժողովի քարտուղարը տրամադրում է էլեկտրոնային եղանակով: Ապրանքների գնման դեպքում պայմանագրի նախագծում ներառվում է ընտրված մասնակցի կողմից հայտով ներկայացված ապրանքի ամբողջական նկարագիրը:

Նույն կետի 13-րդ ենթակետի համաձայն՝ ընտրված մասնակցի կողմից հաստատված պայմանագրի նախագիծը պատվիրատուին ներկայացվում է գրավոր, և դա ներկայացնելու գրությունը հաշվառվում է պատվիրատուի փաստաթղթաշրջանառության համակարգում: Պատվիրատուի ղեկավարի կողմից պայմանագրի նախագիծը հաստատվում է այդ իրավասության առաջացմանը հաջորդող երկու աշխատանքային օրվա ընթացքում:

Կարգի 45-րդ կետի համաձայն՝ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Վերոնշյալ իրավակարգավորումների համադրված վերլուծության արդյունքում, Բողոքներ քննող անձը եզրահանգում է, որ ընտրված մասնակիցը, հանձնաժողովի քարտուղարի կողմից էլեկտրոնային եղանակով ստանալով պայմանագիր կնքելու մասին ծանուցումը և պայմանագրի նախագիծը, պարտավոր է 10 աշխատանքային օրվա ընթացքում պատվիրատուին ներկայացնել իր կողմից հաստատված պայմանագրի նախագիծն ու պայմանագրի կատարման ապահովումը:

Ընդ որում, եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին չի ներկայացնում պայմանագրի ապահովումը, ապա նա զրկվում է պայմանագիրը ստորագրելու իրավունքից:

Նման դեպքում առաջանում է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «բ» ենթակետի դրույթների կիրառման անխուսափելիությունը, քանի որ վերջինիս գործողությունները (անգործությունը) գնահատվում են, որպես պայմանագիր կնքելուց ընտրված մասնակցի կողմից հրաժարում:

Վերը շարադրվածից ելնելով՝ մասնակիցը պետք է ընդգրկվի գնումների գործընթացին մասնակցելու իրավունք չունեցող մասնակիցների ցուցակում՝ երկու տարի ժամկետով, քանի որ իր գործողություններով (անգործությամբ) պատվիրատուին չներկայացնելով պայմանագրի օրինակը և/կամ ապահովումը զրկվում է պայմանագիր կնքելու իրավունքից:

Սույն գործի փաստերի հիման վրա Բողոքներ քննող անձն արձանագրում է, որ Երևանի քաղաքապետարանի կողմից Երևան քաղաքի թվով 2 մշակութային կազմակերպություններում վերանորոգման աշխատանքների ձեռքբերման նպատակով 17.12.2019թ.-ին հայտարարված «ԵԲ-ԲՄԱՇՁԲ-20/18» ծածկագրով բաց մրցույթին մասնակցելու նպատակով հայտ ներկայացրած «Ֆորտիս Ֆաբեր» ՍՊԸ-ն Հանձնաժողովի 11.02.2020թ.-ի նիստի թիվ 4 արձանագրության համաձայն՝ գնման ընթացակարգի 1-ին

չափաբաժնի մասով ճանաչվել է ընտրված /հաղթող/ մասնակից, ինչով պայմանավորված Հանձնաժողովը որոշել է Երևան քաղաքի «Պատանի հանդիսատեսի թատրոն» ՊՈԱԿ-ի լուսամուտների փոխարինման աշխատանքների պայմանագիր կնքելու առաջարկ ներկայացնել «Ֆորտիս Ֆաբեր» ՍՊԸ-ին:

Պատվիրատուն 24.02.2020թ.-ին Մասնակցին ներկայացնելով «ԵԲ-ԲՄԱՇՁԲ-20/18» ծածկագրով պայմանագրի նախագիծը՝ հայտնել է, որ «ԵԲ-ԲՄԱՇՁԲ-20/18» ծածկագրով բաց մրցույթի շրջանակներում պայմանագիր կնքելու նպատակով «Ֆորտիս Ֆաբեր» ՍՊԸ-ի կողմից պետք է ներկայացվի պայմանագրի կատարման ապահովում պայմանագրի գնի տաս տոկոսի չափով: Պայմանագրի կատարման ապահովում ներկայացնելու դեպքում (գործողության ժամկետը 20.07.2021թ.): Պայմանագրի ապահովումը ներկայացվում է բանկային երաշխիքի կամ կանխիկ փողի ձևով: Կանխիկ փողի ձևով ներկայացված պայմանագրի ապահովումը պետք է փոխանցվի Կենտրոնական գանձապետարանում Երևանի քաղաքապետարանի անվամբ բացված 9000152114291 գանձապետական հաշվին, ինչպես նաև որակավորման ապահովում բանկայի երաշխիքի ձևով՝ պայմանագրի գնի հարյուր տոկոսի չափով (գործողության ժամկետը 20.06.2020թ.):

Նույն ծանուցմամբ Մասնակցին խնդրել են, որ ծանուցումը և պայմանագրի նախագիծը ստանալու օրվանից տասն աշխատանքային օրվա ընթացքում պատվիրատուին ուղղված գրությամբ Երևանի քաղաքապետարան ներկայացնել «Ֆորտիս Ֆաբեր» ՍՊԸ-ի կողմից կնքված պայմանագրի երկուական օրինակները և վերը նշված ապահովումները, ինչպես նաև armeps.am տիրույթում ընդունել պայմանագրի շնորհումը:

06.03.2020թ.-ին armeps.am համակարգի միջոցով «ԵԲ-ԲՄԱՇՁԲ-20/18» ծածկագրով Երևան քաղաքի թվով 2 մշակութային կազմակերպություններում վերանորոգման աշխատանքների մրցույթի համար շնորհված պայմանագիրը «Ֆորտիս Ֆաբեր» ՍՊԸ-ի կողմից մերժվել է:

Հանձնաժողովի 09.03.2020թ.-ի նիստի թիվ 5 արձանագրության համաձայն՝ 24.02.2020 թվականին «Ֆորտիս Ֆաբեր» ՍՊԸ-ին ներկայացվել էր «ԵԲ-ԲՄԱՇՁԲ-20/18» գնման ընթացակարգի՝ Երևան քաղաքի «Պատանի հանդիսատեսի թատրոն» ՊՈԱԿ-ի լուսամուտների փոխարինման աշխատանքների պայմանագիր կնքելու առաջարկ: Մասնակիցը պարտավոր էր պայմանագիր կնքելու մասին ծանուցումը և պայմանագրի նախագիծն ստանալուց հետո տաս աշխատանքային օրվա ընթացքում /մինչև 06.03.2020 թվականը/ ստորագրել պայմանագիրը և պատվիրատուին ներկայացնել որակավորման ու պայմանագրի ապահովումները: Նշված փաստաթղթերը չներկայացնելու պարագայում



մասնակիցը զրկվում է պայմանագիրն ստորագրելու իրավունքից: Տվյալ պարագայում «Ֆորտիս Ֆաբեր» ՍՊԸ-ի կողմից պայմանագրի շնորհումը մերժվել է:

Հիմք ընդունելով «Գնումների մասին» օրենքի 36-րդ հոդվածի 3-րդ մասը՝ Հանձնաժողովը որոշել է մասնակցին զրկել պայմանագիր կնքելու իրավունքից:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում Բողոքներ քննող անձը հանգում է այն եզրակացության, որ «Ֆորտիս Ֆաբեր» ՍՊԸ-ն, որպես ընտրված /հաղթող/ մասնակից, հրավերով սահմանված կարգով և ժամկետներում չներկայացնելով պայմանագիրը, հրաժարվել է պայմանագրի կնքելուց:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը.

### **Ո Ր Ո Շ Ե Ց**

1. ՀՀ ֆինանսների նախարարության կողմից 16.03.2020թ.-ի թիվ 26/26-1/4049-2020 գրությամբ «Ֆորտիս Ֆաբեր» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված թիվ ՍՑ-ԼՕ-2020/80 ծածկագրով ընթացակարգը բավարարել:

2. «Ֆորտիս Ֆաբեր» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ 2 (երկու) տարի ժամկետով:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ**

**ԲՈՂՈՔՆԵՐ ՔՆՆՈՂ ԱՆԶ՝**

**ԼԵՎՈՆ ՕՇԱՆՅԱՆ**

